



Газета 1966 йил 1 июлдан чиқа бошлаган

ШАҲАР ИЖТИМОЙ-СИЁСИЙ КУНДАЛИК ГАЗЕТАСИ

№ 83 (12.896)

Баҳоси эркин нарҳда

9 май — Хотира ва қадрлаш куни

ЖАСОРАТ, БУРЧ, МАТОНАТ

Ўзбекистонда жорий йилда умумхалқ байрами — Хотира ва қадрлаш куни «Жасорат, бурч, матонат» шиори остида кенг нишонланади

Мамлакатимизда истиқлол йилларида ҳар йили 9 майда нишонланадиган умумхалқ байрами — Хотира ва қадрлаш куни ўз ҳаётини Ватан озодлиги учун қурбон қилган юртдошларимиз хотирасига кўрсатилаётган эҳтиром, буғунги дорилмомон кунлар, тинч-осойишта ҳаёти-миз ва халқимиз фаровонлиги учун фахрли-ниш ҳамда миннатдорлик рамзига айланди. Негаки, Ўзбекистонда Иккинчи жаҳон уруши даҳшатлари ва синовларини бошидан кечирмаган бирорта ҳам оила йўқ.

Айнан шу боис ушбу муҳим сана ҳар бир оила, ҳар бир маҳалла ва умуман, мамлакатимизда тантанали нишонланади. Жорий йилда бу сана Иккинчи жаҳон урушидаги Ғалабанинг 70 йиллиги муносабати билан янада кенг байрам қилинади.

Фашизмга қарши урушда мардона жанг қилган, оғир машаққат ва мусибатларни бошдан кечирган қаҳрамонлар ва халқимиз асрлар давомида орау қилган эркинлик учун ўз жонини қурбон қилганлар хотираси ҳамisha ёдимиздадир. Мамлакатимизда фахрийларга доимий ғам-хўрлик кўрсатилиб, улар ҳар томонлама қўллаб-қувватланмоқда. Президентимизнинг 2014 йил 13 октябрдаги «1941-1945 йиллардаги уруш ва меҳнат фронти фахрийларини ижтимоий қўллаб-қувватлашни янада кучайтириш чора-тадбирлари тўғрисида», 2015 йил 6 мартдаги «1941-1945 йиллардаги уруш қатнашчиларини рағбатлантириш тўғрисида» ва 2015 йил 19 февралдаги «Ўзбекистон Республикаси фуқаролари — 1941-1945 йиллардаги уруш ва меҳнат фронти фахрийларини «Иккинчи жаҳон урушидаги Ғалабанинг 70 йиллиги» эсдалик юбилей медали билан мукофотлаш тўғрисида»ги Фармонлари бунинг ёрқин далилидир.

Давлатимиз раҳбарининг 2015 йил 26 мартдаги умумхалқ байрами — Хотира ва қадрлаш кунига тайёргарлик кўриш ва уни ўтказиш тўғрисидаги фармойиши мамлакатимизда уруш ва меҳнат фронти фахрийларига ҳурмат-эҳтиром кўрсатилаётганини тасдиқловчи яна бир муҳим ҳужжатдир.

Мазкур ҳужжат Хотира ва қадрлаш кунига бағишланган тадбирларни юксак ташкилий савияда ўтказиш, шунингдек, 1941-1945 йиллардаги урушда фашизм устидан қозонилган ғалабанинг 70 йиллигини нишонлаш, уруш ва меҳнат фронти фахрийларига эътибор ва ғамхўрликни янада кучайтириш, уруш йилларида улар кўрсатган матонат ва жасоратни кенг тарғиб қилиш мақсадида қабул қилинди.

Ҳужжатда мувофиқ, Хотира ва қадрлаш кунига бағишланган тадбирларга тайёргарлик кўриш ва уларни ўтказиш дастури тасдиқланди. Ушбу тадбирлар «Жасорат, бурч, матонат» шиори остида ўтказилади. Дастурни амалга оширишда давлат органлари, жамоатчилик, ижтимоий ва тиббиёт муассасалари, маданият, санъат ва спорт намояндалари, ҳарбий хизматчилар муҳим ўрин тутаяди.

9 май арафасида мамлакатимизда 1941-1945 йиллардаги уруш ва меҳнат фронти фахрийларига Ўзбекистон Республикаси Президентини номидан «Иккинчи жаҳон урушидаги Ғалабанинг 70 йиллиги» эсдалик юбилей медали ва бир марталик пул мукофоти тантанали равишда топширилади.

Бундан ташқари, 1941-1945 йиллардаги уруш ва меҳнат фронти фахрийлари, шунингдек, «Саховат» ва «Мурувват» уяларида яшаётган кексалар ҳолидан хабар олинади, уларга эсдалик совгалари топширилиб, тантанали тадбирлар ва концерт дастурлари ташкил этилади.

Ушбу шонли санани байрам қилишга тайёргарлик кўриш доирасида уруш ва меҳнат фронти фахрийлари кўрсатган матонат ҳамда жасорат аҳамиятини аҳолининг кенг қатламлари, айниқса, ёшлар ўртасида тушунтириш бўйича маънавий-маърифий тадбирлар амалга оширилади.

(Давоми 2-бетда)

9 апрель — Амир Темур таваллуд куни



Президентимиз Ислам Каримов раҳнамолигида Соҳибқирон Амир Темур хотирасини эъзозлаш, ҳаёти ва фаолиятини чуқур ўрганиш, тарғиб этишга донмо алоҳида эътибор қаратилмоқда.

ПОЙТАХТНИНГ БИР КУНИ



БУЮК АЖДОДИМИЗГА ЭҲТИРОМ

Анъанага кўра 9 апрель куни пойтахтимиздаги Амир Темур хибонидида Соҳибқирон таваллудининг 679 йиллиги муносабати билан тантанали тадбир бўлиб ўтди. Унда ёзувчи ва шоирлар, олимлар, талаба-ёшлар, кенг жамоатчилик вакиллари иштирок этди.

Халқро Амир Темур хайрия жамғармаси раиси Н.Хабидуллаев, тарих фанлари доктори Д.Юсупова, шахмат бўйича Ўзбекистон терма жамоаси аъзоси, халқаро гроссмейстер Н.Муминова ва бошқалар Президентимиз Ислам Каримов раҳнамолигида маънавиятни юксалтириш йўлида амалга оширилаётган улкан ишлар жараёнида Амир Темур мероси шижоат, мардлик ва адолат намунаси сифатида кадр ва эъзоз топаётганини таъкидлади. Бинобарин, Соҳибқирон кудратли давлат асосчиси, илм-фан, маданият ва маънавий ҳимийси, дунё цивилизациясига беқийс ҳисса қўшган буюк бунёдкордир.

Амир Темур ва теурийларнинг давлатчилик, илм-фан, маданият, бунёдкорлик, бошқа соҳалардаги улкан ва бой меросини ўрганишга қизиқиш жаҳон миқёсида тобора ортиб бормоқда. Юртимизда ва хорижда теурийларнинг дунё цивилизацияси раванкага қўшган улкан ҳиссасига оид қўллаб асарлар яратилмоқда, илмий тадқиқотлар амалга оширилмоқда. Булар Соҳибқирон шахсияти ва уни еттиштирган замин, тарихий шарт-шароитга доир янги-янги қирраларни кашф этишда муҳим аҳамият касб этмоқда.

Зеро, давлатимиз раҳбари таъкидлаганидек, кимки ўзбек номини, ўзбек миллатининг қуч-қудратини, адолатпарварлигини, чексиз имкониятларини, унинг умум-

башарият ривожига қўшган ҳиссасини, шу асосда келажакка ишончини англамоқчи бўлса, Амир Темур сиймосини эслаши керак. Бобокалонимизнинг кудратли давлат, адолатли ҳаётини барпо этиш, ўзаро ҳамжihatлик, бағрикенглик, барқарорлик, меҳр-оқибат муҳитини мустаҳкамлаш, халқ фаровонлигини таъминлашга оид эзгу тамойиллари бугун Ватанимиз ижтимоий-иқтисодий ҳаётининг асосий мезонига айланган.

Соҳибқирон ўз тузукларида «Райят аҳолидан оғоҳ бўлдим, улуғларини оға қаторида, кичикларини фарзанд ўрнида кўрдим. Хар ернинг табияти, хар эл ва шаҳарнинг расму одатлари, мизожидан воқиф бўлиб турдим. Хар бир ўлка ва шаҳар аҳлининг ашроф-улуғлари билан дўст тутиндим», яна бир ўринда «ақли кишилар ва кенгаш соҳиблари, эҳтиёткор, катъиятли арбоблар, кейинини ўйлаб, олсини кўриб иш юритувчи кекса ва тажрибали кишиларни хос мақолимига киритиб, уларнинг суҳбатларидан, ишларидан наф олиб, тажрибалар ҳосил қилардим», деб қайд этади. Бу «Куч — адолатда» шioriга амал қилинган буюк салтанатда инсон ва унинг шаъну шавкати олий қадрият сифатида юксак баҳоланганидан далолат беради.

Буюк бобомиз фаолияти, ўгитлари бугун ҳам бизга дастуруламал бўлиб хизмат қилмоқда. Юртбошимиз раҳнамолигида инсонни улуғлаш, барча соҳада адолат тамойилига амал қилиш бўйича амалга оширилаётган ислохотлар ва уларнинг юксак самаралари бунга яққол далилдир. Зеро, Соҳибқирон меросини чуқур ўрганиш, тарғиб қилишдан асосий мақсад ҳам ана шу эзгу ниятлардир.

Давлатимиз раҳбари ташаббуси билан Кексаларни эъзозлаш йили, деб номланган жорий йилда бу борадаги хайрли ишлар янада кенг тус олган. Хар бир инсонга, хусусан, ёши улуг кишиларга эътибор ва ғамхўрлик кўрсатиш, нуруний ота-хону онахонларни рози қилиб, уларнинг дуою маслаҳатларини олиш ҳаётимизнинг барча жабхаларида амалга оширилаётган ислохотларда янада ёрқин намоён бўлмоқда.

Ўзбекистон халқ артисти Афзал Рафиқов Амир Темур монологини, ёш шоир Фахридин Ҳайит Соҳибқиронга бағишланган шеърини ўқиб берди.

Тадбир қатнашчилари Амир Темур хайкали пойга гуллар кўйдди.

Маросимда Ўзбекистон Республикаси Президентининг Давлат маслаҳатчиси Х.Султонов, Ўзбекистон Республикаси Бош вазирининг ўринбосари А.Икромов иштирок этди.

Шу куни Теурийлар тарихи давлат музейида «Амир Темур даврида илм-фан ва маданият ривожининг умумбашарий аҳамияти» мавзусида илмий анжуман бўлиб ўтди. Тадбирда «Амир Темур — ёш расомлар нигоҳида» кўрик-танлови ғолиблари тақдирланди. «Шоҳруҳи» — Теурийлар дври бунёдкорлиги ёдгорлиги» кўргазмаси ташкил этилди.

Амир Темур таваллудининг 679 йиллигига бағишланган тадбирлар Қорақалпоғистон Республикаси, барча вилоятларда бўлиб ўтмоқда.

Дилшод КАРИМОВ, ЎЗА мухбири Сарвар Урмонов олган суратлар

Мафтунингман, Ўзбекистон!

ЎЗБЕКИСТОННИНГ ҲАР БИР ШАҲАРИ АМИР ТЕМУРНОМИ БИЛАН БОҒЛИҚ

Амир Темур — халқимиз даҳосининг тинсоли, фахру гуруримиз рамзидир. Қарийб етти юз йилдан буён асл таровати ва маҳобатини йўқотмаган обидалар, бутун юртимизда барпо этилаётган замонавий иншоотларда бобокалонимизнинг «Чиндан ҳам ишларимиз бизни кўрсатиб туради!» деган машҳур сўзлари ўз ифодасини топмоқда.

ЎЗА мухбири Амир Темур хибони ва Теурийлар тарихи давлат музейида бўлиб, хорижлик сайёҳларнинг фикрларини ёзиб олди.

Тхуан КАН (Жанубий Корея): — Амир Темур буюк саркарда, адолатли подшоҳ, моҳир дипломат сифатида дунёда доврқ қозонган. Ғоят улкан ҳудудда тартиб-интизомга асосланган салтанат барпо этиб, халқро савдо-сотиқ, жаҳон илм-фани ривожига бе назир ҳисса қўшган. Шу боис Амир Темур давлати тарихи бутун дунёда, жумладан, Жанубий Кореяда ҳам ўрганилади.

Ўзбекистонга келиши анчадан буён ният қилардим. Пойтахтингиз марказида Амир Темур тарихига оид музей борлигини эшитиб жуда хурсанд бўлдим. Чунки бу инсонга меҳрим, қизиқишим баланд. Музейда Соҳибқирон ва унинг авлодлари даврига оид ашёларни кўриб, қўллаб қизқарди нарсаларини билиб олдим. Шаҳрисабз ва Самарқанддан топилган қадимий бинолар қопламалари намуналари, улардаги безаклар ва ранглар етти юз йилга яқин вақт ўтса-да ўз ҳолатини ўзгартирмагани ҳар қандай кишини ҳайратга солади. Уша даврга оид қимматбаҳо матолар, олтин, қумуш ва бронзадан ясалган хилма-хил идишлар, уй-рўзгор ва заргарлик анжомлари Амир Темур нафақат буюк давлат арбоби, балки илм-фан ва хунармандлик ҳимийси бўлганини ҳам кўрсатиб турибди.

Марселон ДЕФОССЕ (Франция): — Ўзбекистонга илк ташрифим жуда мазмунли ўтмоқда. Само-лётдан тушишим билан юртингизнинг илқ тафти, халқингизнинг ширинсуханлиги ва меҳмондўстлиги эътиборимни тортиди. Амир Темур ва Теурийлар, Тошкент, Самарқанд, Бухоро, Хива ва Шаҳрисабз шаҳарлари ҳақида жуда кўп эшитганман. Ўзбекистоннинг ушбу қадимий шаҳарларини, тилларда дoston тарихий обидаларини томола қилар эканман, теурийлар даврида фан ва санъатнинг гуллаб-яшнаганига, бунёдкорлик ишларига катта эътибор қаратилганига яна бир бор ишонч ҳосил қилдим.

Валериан ТЕОДОРЧИК (Польша): — Ўзбекистонга бизнес юзасидан тез-тез келиб тураман. Хар гал келганимда янги-янги қурилушлар, улкан ўзгартишларга гувоҳ

бўламан. Тошкентга бир-икки йил аввал келган киши пойтахтингизни танилмай қолиши тайин.

Амир Темур хибонини ҳамда унга ёндош ҳудудларда амалга оширилган бунёдкорлик ва ободонлаштириш ишлари шаҳар кибфасини янада ўзгартирган. «Ўзбекистон» халқро анжуманлар саройи ва «Маърифат маркази» мажмуи мамлакатингизда илм-маърифатга, санъатга қаратилган эътибор ифодасидир.

Ўзбекистонда улуг аждодларнинг сўнас хотирасига чексиз эҳтиром кўрсатилиши хар қадамда намоёндыр. Жумладан, тарихда ўчмас из қолдирган буюк сиймо Амир Темур номи билан аталган кўчаю хибонлар халқингизнинг ўз аждодлари ва бой тарихига ҳурмат-эътибори баланд эканидан далолат беради.

Ортин КРОНБЕРГ (Германия): — Ғарб мамлакатларида Амир Темур ҳаёти, давлатчилик фаолиятига қизиқиш ҳамisha юқори бўлган, XV асрдаёқ ушбу буюк зотга ёдгорлик ўрнатилган. Дунёга шундай улуг инсонни берган Ўзбекистонга келганимдан жуда хурсандман.

Юртингизнинг кўп жойларида бўлганман, Самарқанд, Шаҳрисабз, Бухоро, Хива, Термиз ҳақида ўқиганман. Шунга амин бўлдимки, Ўзбекистоннинг хар бир шаҳари Амир Темур номи билан боғлиқ. Айниқса, Самарқанд ва Шаҳрисабзда Амир Темур қурдирган иморатлар халқингизнинг табаррук зиёратгоҳига айланганига гувоҳ бўлдим. Бу тарихий обидалар дунё сайёҳларини ўзига тортмоқда, хайратга солмоқда. Мазкур бетакрор тарихий ёдгорликларга боқиб, аждодларингиз даҳоси, халқингизнинг яратувчанлиги ва бунёдкорлик салоҳияти нечоғли юксак эканига яна бир қарра ишонч ҳосил қилади киши.

Бугун Ўзбекистонда буюк аждодларингизга муносиб ворислар — баркамол авлод етишиб чиқаётгани кувонарли. Замонавий билимлар ва хорижий тилларни чуқур ўзлаштирган, ўзига ва эртанги кунга ишонган бу ёшлар мамлакатингиз тараққиётига улкан ҳисса қўшишга шубҳа йўқ.

Ирода УМАРОВА ёзиб олди.



МАМЛАКАТИМИЗДА

• Хоразм вилояти ахборот-ресурс марказида вилоят халқ таълими бошқармаси, Урганч давлат университети, Маъмун академияси билан ҳамкорликда «Амир Темур — илм-фан ва маданият ҳимийси» мавзусида анжуман бўлиб ўтди.

• Бухоро туманида маданият ва аҳоли дам олиш марказининг мукамал таъмирдан чиқарилган биноси фойдаланишга топширилди.

• Наманган вилоятининг Поп тумани Янгиобод қишлоғида қуёш фотозлектр станцияси фойдаланишга топширилди. Замонавий электр станциясининг қурилиш ва монтаж ишлари «Ўзбекэнерго» давлат акциядорлик компанияси ҳамда Жанубий Кореянинг етакчи компаниялари мутахассислари иштирокида «Электрқишлоққурилиш» очик акциядорлик жамиятининг 11-жамланмаси бош пудратчилигида амалга оширилди.

• Фарғонада ёшларни соғлом эътиқод, ватанпарварлик ва бағрикенглик руҳида тарбиялаш, уларни бузғунчи ғоялар таъсиридан ҳимоя қилиш масалаларига бағишланган илмий-амалий семинар бўлиб ўтди.

• Жиззах вилояти Фориш туманида фуқаролик ҳолати далолатномаларини ёзиш бўлимининг янги биноси фойдаланишга топширилди. Вилоят чекка ҳудудидаги Богдон шаҳарчасида барпо этилган янги бионинг никоҳ маросимлари ўтказиладиган тантаналар зали, ҳужжатларни расмийлаштириш, архив ва нотариал идора ходимлари учун хоналарида барча шароит яратилган. Бу ерда «Санзор» кўптармоқли қурилиш фирмаси бунёдкорлари томонидан қарийб 980 миллион сўмлик қурилиш-монтаж ишлари бажарилди.

ЖАҲОНДА

• АКШнинг «FedEx» логистика компанияси ўз рақобатчиларидан бири — «TNT Express» (Голландия) компаниясини сотиб олиш юзасидан келишувга эришганини маълум қилди. Харидор унинг хар битта акциясини 8 евродан сотиб олишга тайёр. Таъкидлаш жоизки, бу нарх 2 апрель куни биржада белгиланган баҳодан уч баравар юқоридир. Умумий ҳисобда мазкур савдо учун «FedEx» 4,4 миллиард евро миқдоридида маблағ сарфлайди.

• Германиянинг бандликка кўмаклашиш бўйича федерал агентлиги келгуси тўрт йил ичида ўзида мавжуд иш ўринлари сонини беш мингтага қисқартириш ниятида. Шу тарика, муассасанинг 2013 йилдан бери бекор қилган меҳнат шартномалари сони 17 мингтага етади. Изоҳланишича, айни пайтда мамлакатда бандлик масаласида жиддий муаммолар йўқ. Шу сабабли фуқаролар ишга жойлашишда агентлик мутахассисларининг хизматида эҳтиёж сезмаяпти.

Мамлакатимиз Президентини Ислом Каримов томонидан илгари сурилган «Мамлакатимизда демократик ислохотларни янада чуқурлаштириш ва фуқаролик жамиятини ривожлантириш Концепциясида фуқароларнинг ахборот соҳасидаги ҳуқуқ ва эркинликларини таъминлаш масаласи Ўзбекистонда демократик жамият асосларини барпо этишнинг муҳим шартли эканлиги алоҳида қайд этиб ўтилган. 2014 йил 11 сентябрда қабул қилинган Ўзбекистон Республикасининг «Тижорат сирини тўғрисида»ги қонунини ҳам айни вақтда ана шу талаб асосида ишлаб чиқилган қонунлардан бири сифатида таъкидлаш мумкин.

Тижорат сирини ҳуқуқий ҳимоя қилиш институти миллий қонунчилигимизда мутлақо янги ҳодиса эмас. Ушбу ҳуқуқий институтининг умумий қоидалари 40 дан ортиқ қонун ҳужжатларида учрайди. Хусусан, унинг умумий қоидалари Ўзбекистон Республикасининг Фуқаролик кодекси, «Ахборот эркинлиги принциплари ва кафолатлари тўғрисида»ги қонун нормаларида акс этирилган бўлиб, ушбу қонун ҳужжатларида «ахборот» «ахборот соҳаси», «махфий ахборот», «ахборот бора-сидига хавфсизлик» каби тушунчалар, шунингдек, ахборотни ҳимоя қилишнинг ҳуқуқий асослари келтириб ўтилган. Бироқ мазкур масаладаги ҳуқуқий ёндашувларнинг турли шаклларида мавжудлиги бу борадаги муносабатларни яхлит қонун асосида тартибга солиш заруриятини вужудга келтирди.

Ўзбекистон Республикасининг «Тижорат сирини тўғрисида»ги қонуни тегишли ахборотни тижорат сирини тоифасига қўшиш, уни тизимлаштириш ва тақдим қилиш масалаларини қонуний тарзда таъминлашдан, авваломбор, бозор муносабатларининг муҳим элементи бўлган рақобат шароитида, айниқса, у ноҳалол тус олганда, ҳўжалик юритувчи субъектларнинг иқтисодий манфаатларини ҳимоя қилиш каби мақсадларни қўзғайди.

Авалло, тижорат сирини нима, уни бошқа ахборотлардан ажратиб турувчи белгилари нималарда намоеъ бўлади, каби саволлар нафақат тadbirkorларимизни, балки барча фуқароларимизни қизиқтириши табиий.

Бизга маълумки, бугунги кунда ҳўжалик юритувчи субъектларнинг иқтисодий фаолиятида тижорат сирини ташкил қилувчи ахборот ресурслар бошқа моддий ва интеллектуал маълумотлар сингари муҳим ўрин эгаллайди. Шубҳасиз, ҳар бир тadbirkor ўз ишбилармонлик таърибасига, ноёб ишланмалари ва воқеаларни жамланмасига эга. Улар ҳақидаги маълумотлар ўз-ўзидан рақобатчилар диққатини жалб қилиши табиий. Табиийки, бундай ахборотдан ўз манфаати йўлида фойдаланишни истайдиганлар ҳам топилари. Бу оддий қилиб айтганда, бозор иқтисодиётининг ажралмас қонуни саналади. Шу боис ахборот эгалари ушбу маълумотлар ошкор қилинмаслигига, бегоналар улардан фойдаланишига йўл қўймасликка ҳаракат қилади, ахборотни ҳимоя қилиш чораларини кўради. Ва тижорат сирининг бундай эгаси тегишли ҳуқуқнинг соҳиби сифатида тўлиқ тарзда ўзининг ахборот ресурсларига эгалик қилиш, ундан фойдаланиш ва тасарруф этиш ваколатларини қонун ҳужжатларида белгиланган доирада амалга ошира олиши лозим.

Мазкур муносабатларни ҳуқуқий жиҳатдан тартибга солиш ва тижорат сирини субъектларнинг қонуний ҳуқуқ ҳамда манфаатларини ҳимоя қилиш мақсадида ишлаб чиқилган мазкур қонун, ўзида бир қатор муҳим ҳуқуқий тушунчаларни ҳам акс эттирган. Ушбу қонунга кўра, тижорат сирини — учинчи шахсга номаълум бўлган фан-техника, технология, ишлаб чиқариш, молия-иқтисодиёт ҳамда бошқа соҳаларда тижорат қиммати

эга бўлган, қонуний асосда эркин фойдаланилмайди-ган ахборотдир.

Қонунга биноан ҳар қандай ҳўжалик юритувчи субъектлар фаолиятига оид маълумотлар тижорат сирини ташкил қилмайди. Ахборотни тижорат сирини деб топиш учун у қонун билан белгиланган маълум талабларга жавоб бериши лозим. Тижорат сирини нисбатан қўйилган талабларга кўра, бундай сир учинчи шахсга номаълумлиги сабабли ўз мулкдорини учун ҳақиқий тижорат қиймати эга бўлиши, қонун ҳужжатларида мувофиқ ҳаммага маълум ёки ҳамма учун очик бўлмаслиги, унинг махфийлиги муҳофаза қилиш чора-тадбирлари билан таъминланган бўлиши, давлат сирлари ва қонун билан кўриқланадиган бошқа сир белгиларига эга бўлмаслиги керак. Ушбу тижорат сирини белгилари унинг ажралмас элементлари саналишини ҳам унутмаслик лозим.

Тadbirkorлик — қонун ҳимоясида

ҲўЖАЛИК ЮРИТУВЧИ СУБЪЕКТЛАРИНИНГ ИҚТИСОДИЙ МАНФААТЛАРИНИ ҲИМОЯ ҚИЛИШ ЙЎЛИДА

Демак, тижорат сирини тижорат фаолияти билан шуғулланувчи ҳар қандай корхонанинг турли фан-техника, технология, ишлаб чиқариш, молиявий-иқтисодий амалиётларидаги ахборотининг, шунингдек, ўзининг тегишли ҳўжатлари ва ахборотининг сир сақланишига бўлган ҳуқуқидир.

Шунингдек, қонун билан тижорат сирини ҳимоя қилиш, тижорат сирини нисбатан асосий талаблар, бундай сирни ташкил қилувчи маълумотлар таркиби ва ҳажми унинг эгаси томонидан белгиланиши тўғрисидаги норма, тижорат сирини ташкил қилмайдиган маълумотлар рўйхати, тижорат сирини мулкдорининг ҳуқуқлари, тижорат сирини муҳофаза қилиш чора-тадбирлари каби масалаларни тартибга солиш нормалари мустаҳкамлаб қўйилган. Қонун нормалари билан бу каби масалаларнинг аниқ белгилаб берилиши ҳўжалик юритувчи субъектларнинг самарали фаолият юритиши учун қўлай шарт-шароитлар яратишга, шунингдек, келгусида ахборот технологиялари, ишлаб чиқариш янгиликлари, инновация тadbirkorлигининг ривожланишини рағбатлантирувчи омил сифатида хизмат қилади.

Қонун билан ҳўжалик юритувчи субъектларнинг фаолиятига оид қандай ахборотлар тижорат сирини доирасига киритилмаслиги масалалари ҳам мустаҳкамланганлиги диққатга сазовор. Хусусан, ҳўжалик юритувчи субъектларнинг давлат рўйхатидан ўтказилиши лозим бўлган мол-мулкка доир ҳуқуқлар ва бу ҳуқуқлар бўйича битимлар тўғрисидаги, юридик шахснинг таъсис ҳужжатларидаги, юридик шахслар, яққа тартибдаги тadbirkorлар ва юридик шахс ташкил этмаган деҳқон ҳўжаликлари ҳақидаги ёзувлар тегишли дав-

лат реестрларида киритилганлиги фактини тасдиқлайдиган, тadbirkorлик фаолиятини амалга ошириш ҳуқуқини берувчи ҳужжатлардаги, давлат унитар корхонасининг, давлат муассасасининг мол-мулки таркиби ва улар томонидан тегишли бюджет маблағларидан фойдаланилиши ҳақидаги маълумотлар тижорат сирини ташкил этмаслиги белгиланганлиги, қонун нормаларини янада аниқроқ тушунишга хизмат қилади.

Қонунга мувофиқ, тижорат сирини эгасининг ҳуқуқлари у томонидан ахборотга нисбатан тижорат сирини режими ўрнатилган пайтдан эътиборан вужудга келади. Бу тижорат сирини эгаси муайян ҳуқуқларга эга бўлиб, у тижорат сирини режими нўза шаклда белгилайди, ўзгартиради ва бекор қилади, бундай сирдан фойдаланиш тартиби ва шартларини ўрнатади, меҳнат муносабатлари жараёнида тижорат сирини фойдаланишга ижозат беради ёки ижозат беришни таъкидлайди. Бу каби ҳуқуқлар тижорат сирини эгасининг мутлақ ҳуқуқи саналади. Ушбу ҳуқуқларнинг учинчи шахслар томонидан бузилиши белгиланган тартибда қонун билан муҳофазаланишига оид нормаларнинг мавжудлиги қонуннинг ҳаётийлигини ошириши табиий.

Юқоридагилардан келиб чиққан ҳолда мазкур қонуннинг қуйидаги ўзига хос хусусиятларига тўхталиш мумкин:

Биринчидан, қонуннинг батафсил мазмун-моҳияти ҳўжалик юритувчи субъектлар, давлат ижро этувчи ва ҳуқуқни муҳофаза қилувчи органлари учун унинг қўлланилиши қўлайлигини ҳамда бир хилда тушунилишига қаратилганлиги билан ажралиб туради;

Иккинчидан, мазкур қонуннинг қабул қилиниши ушбу муносабатларни самарали тарзда норматив жиҳатдан тартибга солиш, шу жумладан, фуқаролик-ҳуқуқий йўл билан тартибга солиш орқали тижорат сирини эгаларининг ҳуқуқларига эгалик билан тартибга солиш яратилганлиги ҳўжалик юритувчи субъектлар, давлат ижро этувчи ва ҳуқуқни муҳофаза қилувчи органлари учун унинг қўлланилиши қўлайлигини ҳамда бир хилда тушунилишига қаратилганлиги билан ажралиб туради;

Учинчидан, қонун билан тўғридан-тўғри тижорат сирини эгаларининг ҳуқуқларини бекор қилиш асослари, шартлари ва чегараларини мустаҳкамлаш, уларнинг тартиб-таомиллини тартибга солиш ушбу ҳуқуқнинг дахлсизлигини таъминлашда муҳим аҳамиятга эгалиги билан характерлидир.

Тўртинчидан, қонун билан танишиш жараёнида шу нарса кўзга яққол ташланадиги, мазкур ҳўжатнинг муфассал мазмуни ундан фойдаланиш имкониятини кенгайтиришга ҳамда ҳўжалик юритувчи субъектлар учун бир хил маънода тушунилишига ёрдам беради. Бу ўз навбатида ҳуқуқни татбиқ қилиш амалиётининг янада самарали натижалар беришига хизмат қилади.

Хулоса ўрнида айтганда, мазкур ҳуқуқий ҳўжат нормаларининг рўёбга чиқарилиши ҳўжалик юритувчи субъектларнинг самарали иш олиб бориши учун қўлай шароит яратади, ахборот технологиялари, ишлаб чиқариш янгиликлари, ноу-хау ва инновацияларнинг янада ривожланишини рағбатлантиради, пировардида мамлакатимиз иқтисодиётининг ўсишига ва юртимизнинг раванқ топишига хизмат қилади.

Исломбек РУСТАМБЕКОВ,
Тошкент Давлат юридик университетини «Халқаро тижорат (хусусий) ҳуқуқи» кафедраси муdiri, юридик фанлари номзоди
Бехзод МУСАЕВ,
Тошкент Давлат юридик университетини «Халқаро тижорат (хусусий) ҳуқуқи» кафедраси ўқитувчиси

ЖАСОРАТ, БУРЧ, МАТОНАТ

(Давоми. Боши 1-бетда)

Масалан, таълим муассасалари ва ҳарбий қисмларда ёшларни Ватанга муҳаббат, аждодлар жасоратига садоқат, кексаларни эъзозлаш руҳида тарбиялаш мақсадида 1941-1945 йиллардаги уруш ва меҳнат fronti фахрийлари, Ўзбекистон Республикаси Куролли Кучлари фахрийлари ва вакиллари иштирокида «Авлодлар учрашуви», «Кексаларга эътибор ва гамхўрлик», «Хотира ва қадр» мавзуларида маънавий-маърифий тadbirkorлар ташкил этилади.

Олий таълим муассасаларида «Тарихий хотирасиз келажак бўлмади» республика илмий-амалий видеоконференцияси ўтказилади. Мамлакатимиздаги барча таълим муассасаларида ташкил этиладиган Тинчлик дарсларига 1941-1945 йиллардаги уруш ва меҳнат fronti фахрийлари, Куролли Кучлар фахрийлари ва ҳарбий хизматчилар таклиф этилади.

Бундан ташқари, таълим муассасалари ва ҳарбий қисмларда уруш ва меҳнат fronti фахрийлари иштирокида «Ўтмишсиз келажак йўқ», «Қадр — азиз, хотира — муқаддас», «Аждодларимиз жасоратини давом эттираемиз», «Ўзбекистоннинг Иккинчи жаҳон урушида фашизм устидан қозонилган галабага қўшган ҳиссаси» мавзуларида учрашувлар, давра суҳбатлари ва бошқа тadbirkorлар ўтказилади.

Умумхалқ байрами арафасида мактаб, лицей ва коллеж ўқувчилари, талабалар, ёшлар ва ҳарбий хизматчиларнинг Хотира майдони, Ўзбекистон тарихи ва Куролли Кучлар давлат музейлари, Қағоғон қурбонлари музейига бориши режалаштирилмоқда.

Марказий теле ва радиоканаллар ҳамда ҳудудий телерадиоканалларда «9 май — Хотира ва қадрлаш куни» руқни остида туркум ҳўжатли ва бадий фильмлар, ахборот дастурларида лавҳалар намойиш этилади. Инсон хотираси азиз, ўтганлар хотирасини қадрлаш, қаҳрамонларимиз жасоратини теран англаш каби халқимизга хос муқаддас тушунчаларнинг мазмун-моҳияти ва аҳамиятини очиб берадиган ток-шоулар ташкил этилади.

Давлатимиз раҳбарининг фармоишини амалга ошириш доирасида маданий-маърифий ва спорт тadbirkorлари, шунингдек, кекса авлод вакиллари, 1941-1945 йиллардаги уруш ва меҳнат fronti фахрийлари, хизмат бурчини ўташ чоғида ҳалок бўлган ҳарбий хизматчилар оила аъзоларини ижтимоий-ҳуқуқий ҳимоя қилишга қаратилган тadbirkorлар ташкил этиш кўзда тутилган.

Масалан, ижодий гуруҳлар Қорақалпоғистон Республикаси, вилоятлар ва Тошкент шаҳрида Хотира ва қадрлаш кўнига бағишланган концерт дастурлари, саҳна асарлари ва кинофильмлар намойишини ташкил қилади. Маданият ва истироҳат боғлари, кўча ва майдонларда «Ер юзида тинчлик учун» шиори остида театрлаштирилган томошалар, маданий-маърифий тadbirkorлар, спорт тadbirkorлари ўтказилади. Ёшлар ўртасида Хотира ва қадрлаш кўнига бағишланган спорт турнирлари ва хайрия марафонлари бўлиб ўтади.

1941-1945 йиллардаги уруш ва меҳнат fronti фахрийлари, кекса отахон ва онахонлар учун болалар мусиқа ва санъат мактаблари ўқувчилари иштирокида «Уруш йиллари оҳанглари» концерт дастури ташкил этилади.

Мазкур ҳўжатга мувофиқ, 1941-1945 йиллардаги уруш ва меҳнат fronti фахрийларини тиббий кўриқдан ўтказиш, уларга малакали ва ихтисослаштирилган тиббий ёрдам кўрсатиш, кўп тармоқли ихтисослаштирилган ва илмий-амалий тиббиёт марказлари, клиникалар, илмий-тадқиқот институтларида довланиш учун имтиёзли ордерлар ажратиш, доимий кўмаклашиш, жумладан, уйда тиббий ёрдам кўрсатиш учун тиббиёт ходимини бириктириш бўйича комплекс чора-тадбирлар амалга оширилади.

Фахрийлар биринчи ёрдам кўрсатиш учун зарур дори-дармонлар ва тиббий буюмлар солинган махсус қутчалар, амбулатория шароитида довланишда шифокорлар кўрсатмаси бўйича дори воситалари билан бепул таъминланади. Шунингдек, 1941-1945 йиллардаги уруш ва меҳнат fronti фахрийларига манзилли инсонпарварлик ёрдами кўрсатиш, имконияти чекланган кексаларга ногиронлик аравачалари, протез-орттопедия мосламалари ҳамда реабилитация техник воситаларини ажратиш режалаштирилмоқда.

Бундан ташқари, халқимизнинг тинч ва осойишта ҳаётини ҳимоя қилиш йўлидаги хизмат бурчини ўташ чоғида ҳалок бўлган ҳарбий хизматчилар оилаларидан хабар олинди, уларга моддий ва маънавий ёрдам кўрсатилади. 1941-1945 йиллардаги уруш ва меҳнат fronti фахрийлари, кекса отахон ва онахонлар учун мамлакатимизнинг тарихий ва диққатга сазовор жойларига саёҳатлар уюштирилади.

Мухтасар айтганда, фахрийларимизнинг муносиб ҳаёт кечириши учун зарур шароитлар яратиб бераётган давлатимиз томонидан уларни ҳар томонлама қўллаб-қувватлаш, эътибор ва гамхўрлик кўрсатиш мақсадида самарали ишлар амалга оширилмоқда. Зеро, бугун улар туфайли мамлакатимизда тинчлик-осойишталик ҳўкм сурмоқда, ҳаётимиз фаровон. Жанг майдонларида жон берган, урушдан қайтмаганларни эслаш, бугун орамизда соғ-саломат ҳаёт кечириётган нуроний отахон ва онахонларимизга гамхўрлик кўрсатиш бизнинг муқаддас бурчимиздир.

(ЎЗА)

ИЧИМЛИК СУВИ — БЕБАҲО ТАБИЙ НЕМАТ

Сув — Ер қуррасида организмларнинг яшаш учун зарур бўлган энг муҳим минерал ҳисобланиб, организмдаги бутун жараёнлар сув муҳитида содир бўлади. Бу, сувнинг жуда муҳим, бебаҳо табиий бойлик эканлигидан далолат беради. Ўз келажига ишонган ҳар бир миллат дастлабки одимини сувни авайлаб-асрашдан, уни тежаб сарфлашдан бошламоғи керак. Ана шундагина, бу миллат ўзининг эзгу мақсадида албатта эришади. Сув — ҳар бир давлатнинг, ҳар бир миллатнинг тамаддун даражасини, келгуси буюк режаларини аниқ кўрсатиб берувчи улкан кўзгудир.

«MASLOV PR TASHKENT» масъулияти чекланган жамияти ва «ЭКОСАН» халқаро экология ва саломатлик жамоат фонди ҳамкорлигида, кенг аҳолининг сув борасидаги маълумотларини янада чуқурлаштириш, сув захираларидан оқилона фойдаланиш ва уларни сақлаб қолиш чора-тадбирлари ҳақида мазкур компаниянинг «Nestle Uzbekistan» заводидан оммавий ахборот воситалари вакиллари иштирокида ўтказилган матбуот анжуманида сўз юритилди.

2010 йилдан буён «Нестле-Ўзбекистон» қўшма корхонаси саъй-ҳаракатлари билан сув ва уни сақлаб қолиш борасида кенг қамровли тadbirkorлар ўтказиб келинмоқда. Одатда, «Нестле» корхонаси дунёнинг қатор халқаро ташкилотлари, хусусан, Proekt WET билан ҳамкорлигида, ўз корхонаси ишчилари кўмагида, заводларга таклиф қилинган мактаб ёшидаги болалар учун сув ва унинг хусусиятлари ҳақидаги маълумотни ўз ичига олган турли хил ўйин ва суҳбатларни мунтазам ташкил этиб боради. Бу ўйинлар орқали болалар сувнинг нақадар ноёб ва қимматбаҳо табиий захира эканлигига ва унинг инсон ҳаёти ва умуман экологияга бўлган улкан таъсирини яна бир бор ҳис этадилар.

20 йиллик ушбу самарали ҳамкорлик натижасида, сув ресурсларини сақлаб қолиш йўналишида кенг қўллами ишлар олиб борилиб, юз минглаб кишиларга сув ҳақидаги билимларни тарқатишга эришилганлиги хусусида маълумот берган Proekt WET компаниясининг бош ижрочи директори Денис

Нелсон янги ўқув дастурларини ишлаб чиқариш ва бу жарағнага жалб этила-жақ янги педагоглар сонини ошириш борасидаги ҳамкорлик яна 4 йилга узайтирилганини билдирди.

Медиа тур иштирокчилари заводнинг ишлаб чиқариш цехларига ташриф буюришиб, сувнинг дегустациясида бевосита иштирок этидилар. Корхонада яратилган шароитлар билан яқиндан танишишди.

Иштирокчилар пойтахтнинг иқтидорли болалар жамоалари, жумладан, хореограф Ирина Камилова раҳбарлигидаги республика «Янги авлод — 2011» танлови совриндорлари ҳамда «Бўзтўғай» халқаро танлови ғолиби бўлган «Серпантинлар» рақс жамоаси, 6-сонли мусика мактабининг «Афсона» сақсофончилари, айниқса, Хапкидо бўйича ёш спортчиларнинг кўргазмали чиқишлари орқали хушнуд этилди. Улар билан бирга ҳаётбахш ичимлик суви ва уни сайёра-мизда сақлаб қолиш чоралари мавзусига бағишланган турли хил талповлар ва ўйин кўринишидаги қизиқарли суҳбатлар уюштирилди, ғолибларга совғалар топширилди.

«ЭКОСАН» фонди бўлим бошлиғи Собиржон Абдуллаев «MASLOV PR TASHKENT» МЧЖда «Экология бурчига» ташкил этиш учун фонд нашр этирган атроф-муҳит муҳофазасига оид адабиётлар ва рангли плакатларни тақдим этди.

Бундай йўналишдаги тadbirkorлар «MASLOV PR TASHKENT» МЧЖнинг Намангандаги заводидан давом эттирил-моқда.

Мирқарим МИРСОВУРОВ



Жаҳон таърибасидан маълумки, туризм соҳаси мамлакат иқтисодиёти ривожига юқори даромад келтирувчи йўналишлардан биридир. Ушбу соҳа ривожланган дунёдаги кўплаб давлатларнинг ялпи миллий маҳсулотининг салмоқли қисми айнан туризм соҳасидан келадиган даромад ҳисобига шаклланиши кузатишган.

ТУРИЗМ РИВОЖИДА АВИАЦИЯНИНГ РОЛИ

Мамлакатимизда кейинги йилларда туризмни ривожлантиришга катта эътибор қаратилаётир. Соҳани ривожлантириш учун юртимизда барча имкониятлар мавжуд. Тарихий қадамжолар, жаҳон цивилизацияси ривожига улкан ҳисса қўшган буюк бобоқалонларимизнинг маконлари бугун дунё ахлини ўзига қаратмоқда.

Республикамизда ушбу соҳани ривожлантиришнинг кўзда тутилган бир қатор дастурлар ишлаб чиқилган бўлиб, улар ўз навбатида мамлакатдаги туризм салоҳиятини оширишга хизмат қилади. Мамлакатда туризмнинг ривожланиши унга хизмат қилувчи бошқа соҳаларнинг ҳам тараққий этишига имкон яратади. Янги иш уринларининг ташкил этилиши аҳоли бандлигини таъминлаб, турмуш фаровонлигини оширади.

Туризмнинг ривожини энг муҳим ҳисобланган соҳалардан бири транспорт туризmidир. Ўзбекистон Урта Осиёнинг марказида жойлашганлиги боис денгиз йўлидан аҳолига. Шу сабабли ҳаво транспорти саёҳат-

чиларга хизмат кўрсатишда асосий восита ҳисобланади. Шундан келиб чиқиб ҳозирги кунда аэропортларимизни халқаро талабларга жавоб берадиган ҳаво кемалари билан бойитиш ва улардаги хизмат кўрсатиш соҳаси сифатини янада яхшилашга катта эътибор қаратилмоқда.

Мамлакатимиз ҳудудида истиқболли туризмнинг юксалиши авиация тизимини ривожлантирувчи омиллардан бири ҳисобланади. Ички туризмни ривожлантиришда фуқароларга иқтисодий тежамкорлиги юқори бўлган ва маълум бир гуруҳ саёҳатчиларга хизмат кўрсатадиган учинч аппаратлари ва йўналишларининг ташкил этилиши мақсада мувофиқ ҳисобланади.

Юртимизда табиий об-ҳавоси ва манзаралари билан инсон кўнглига ёқадиган, бир зум

бўлсада ҳаёт ташвишларини унуттишига ёрдам бериб, ҳақиқий табиат гўзаллигини тақдим этадиган Тошкент вилоятининг тоғли ҳудудлари, Фарғона, Шохимардон, Зомин каби ҳушманзара ҳудудларимиз талайгина. Мана шундай жойларни юқоридан туриб томоша қилишни ташкил этиш мамлакатимиз аҳолиси ва чет эллик меҳмонларни юртимизнинг гўзал табиатидан баҳраманд қилиш билан бирга туризм ривожига катта ҳисса қўшади.

Туризм соҳасини юксалтириш, хусусан, унда муҳим аҳамият касб этадиган авиация тизимини замонавий учинч аппаратлари билан бойитиш бу икки тизим ривожига муҳим аҳамият касб этади.

Мансур ВОЛКОВ,
ТДУТУ авиация факультети магистри

Испания элчиси Руи Гонсалес де Клавихо Самарқандга – Амир Темур саройига саёҳати кундалигида бу ўлкада барпо этилган боғлар ҳақида ўз таассуротларини қуйидагича баён этган: «Соҳибқирон Амир Темур ҳазратлари барпо эттирган жаннатмонанд боғ-сарой дунёнинг ҳеч бир мамлакатига йўқ... Подшоҳ Боғи Дилқушодан беҳад гўзал бошқа (Боғи Чинорга) ўтди. Боғнинг гиштдан ишланган, кошинлар, ложувард ва тилла бўёқлар билан ҳар хил йўсинда сайқал берилган чиройли улкан дарвозаси бор... Боғ жуда катта эди, унда шигил мевага кирган ва қуюқ соя ташлаб турган дарахтлар кўп эди».

9 апрель — Амир Темур таваллуди куни

СЕРФАЙЗ ХИЁБОННИНГ НАФИС ГУЛЛАРИ

— Клавихонинг хайратлангани бежиз эмас, — дейди Темурийлар тарихи давлат музейи етакчи илмий ходими Ўткир Алимов. — Соҳибқирон ҳукмронлиги даврида Самарқанд шаҳри атрофида кўплаб гўзал боғлар барпо этилган. Улар табиатнинг алоҳида хусусиятларига эга жойларда кўп очган. Халқимизнинг бунёдкорлик салоҳияти бугун ҳам дунё халқлари эътиборини тортмоқда. Пойтахтимизда амалга оширилаётган бекиёс бунёдкорлик ва ободонлаштириш ишлари самарасида шаҳар кўрғига кўрк кўшиб турган серфайз кўча ва майдонлар, фусункор хиёбонлар нафақат одамларнинг баҳри дилини очиб, балки инсон саломатлиги учун зарур бўлган мўътадил иқлимни таъминлашга хизмат қилмоқда. Пойтахтимиз марказидаги Амир Темур хиёбони шундай гўзал масканлардан. Хиёбонга келган киши буюк бобомизнинг улғувор ҳайкалига, кўркам дов-дарахтлар ва ранго-ранг гулларга қараб хайрати ошади. — 2009 йилда хиёбонга кўплаб дарахт ва бута кўчатлари ўтказилди, — дейди Марказий майдонларни ободонлаштиришга ихтисослаштирилган бошқарманин Амир Темур хиёбони бошлиғи Қобил Эсалиев. — Улар орасида хоржидан келтирилганлари кўп. Каштан, қарағай ниҳолларининг бўйи бир метрдан ошди. Хозир улар тўрт-беш метрга етди. Ўтган даврда ноёб дарахт кўчатлари иқлим шароитимизга мослашиб, баравж ривожланмоқда. Албатта, бунда мутахассисларнинг ҳам ҳиссаси катта. Айна пайтда хиёбоннинг обод ва озодлигини таъминлаш учун йиғирма беш нафар ходим меҳнат қилмоқда. Улар ҳар бир гул, бута ва дарахтни алоҳида эътибор билан парварилламоқда. Бошқарма мутахассиси, боғбон Умид Норбоев дарахт ва буталарга тавсиф бериб, уларнинг алоҳида хусусиятлари ҳақида сўзлайди: «Мана бу бута — фарзия. Февраль ойи охирида сап-сарик бўлиб гуллайди. Гули жуда хушбўй. Яшил магония мартда гул-

лайди. Ундан асал ҳиди келади. Апрельда жасминнинг майда гуллари ёқимли ифोर таратади. Настарин ҳам кунлар исити билан ҳар хил рангда гуллайди. Майда гуллаган қорсимон мевали бутанингу гуллари кузда кичкина меваларга айланади. Мевалари қиши билан оппоқ бўлиб туради. Будлея буталари эса кеч кузгача гуллайди». Боғбон бу ердаги яшил бойлик ҳақида яна кўплаб маълумотлар берди. Англаганимиз шуки, хиёбондаги ҳар бир бута шунчаки экилмаган, балки уларнинг очилуви муддати, ранги, кўриниши аниқ ҳисобга олинган. Хиёбондаги саккиз қиррали юлдуз шаклидаги гулхона ҳам жуда жозибали. Четиди экилган оқиш баргли ўсимликнинг номи — стахис. Ундан сўнг эрта баҳорда ранг-баранг очилиб, кўзни қувонтирадиган виола, маргаритка тартиб билан экилган. Юлдузнинг ўртасида яшнаб турган лолалар Бельгиядан келтирилган. Узоқ мuddат очилиб турадиган лолаларни иқлим шароитимизга мослаштириш, келгусида уруғидан кўпайтириш режалаштирилмоқда. Соҳибқирон бобомиз ҳайкали атрофида осма туваллар жойлаштирилган саккиз ва ерда ўрнатилган ўнга яқин гулхона бор. Уларда тағедис, петунья гуллари эрта баҳордан кеч кузгача гуллаб туради. Хусусан, Голландиядан келтирилган, иқлим шароитимизга мослиги, гуллаш даври ва ранги ҳисобга олинган петунья гулининг оқ, қизил, пушти, тарам-тарам ва кўк рангли турлари майдонга ўзгача гўзаллик бағишлаши табиий. — Амир Темур номи билан аталувчи хиёбонга тез-тез келиб тураман, — дейди Соҳиба Эралиева. — Бобомизнинг мағрур боқиб туриши инсонга маънавий-руҳий куч беради. Хиёбондаги дов-дарахтлар, айникса, гуллар кишини ўзига мафтун этади. Касбим шифокор бўлгани учун тажрибамдан биламанки, гуллар ва дарахтлар кўп бўлган масканларда

инсон чарчоғи ёзилиб, асаби тинчланади. Майдондаги фавворалар ҳам ўзгача жозоба касб этган. Улардан отилиб чиқётган сув атрофга мўътадиллик бағишлайди. Мутахассисларнинг таъкидлашича, кўчат экилаётганда уларнинг кўркамлиги билан бирга, инсон саломатлиги учун фойдаси ҳам ҳисобга олинади. Мисол учун, игнабаргли дарахтлар ҳавони бошқа дарахтларга нисбатан яхши тозалайди. Бир гектардаги дарахт 200 одамни тоза ҳаво билан таъминлайди. Йўл четида экилганлари эса транспорт воситаларидан чиқётган зарарли газларни ютиш ҳисобига ҳавони мусаффо этади. Дарҳақиқат, хиёбон четларига экилган каштан, қарағай, эман, магнолия, дола дарахтлари ҳам ўзига хос. Эрта баҳорда кўйғос очилган магнолия гуллари кўриб, нафақат шаҳар аҳолиси, балки хорижлик меҳмонлар ҳам завқини яшира олмайдилар. — Азму шижоат, мардлик ва донишмандлик рамзи бўлган Соҳибқирон Амир Темур буюк салтанат барпо этиб, давлатчилик борасида улкан мерос қолдирган, илму фан, маданият, бунёдкорлик, дин ва маънавият ривожига кенг йўл очган, — дейди индонезиялик ёзувчи, публицист Мухаммад Жаффар Сиддик. — Ўзбекистонга бир неча йил олдин ташриф буюргандим. Шунда ҳам Амир Темур хиёбонини зиёрат қилган эдим. Бугун хиёбон бутунлай бошқа қиёфа касб этибди. Ўзбекистонда амалга оширилаётган ажодлардан қолган бебаҳо маданий-маънавий меросни сақлаб-авайлаш ва ёш авлодларга безавол етказиб бериш борасидаги хайри ишлардан ўнкак олса арзийди. Зеро, Амир Темур ҳайкали, гўзал хиёбон, унга туташ «Ўзбекистон» халқаро анжуманлар саройи, Темурийлар тарихи давлат музейи каби иншоотлар ансамбли бир-бирига шу қадар мос ва уйғунки, уларнинг маҳобатидан хайратга тушаман. Мустақиллик шарофати билан Соҳибқирон Амир Темурнинг таваллуди ҳар йили кенг нишонланиб келинмоқда. Айна кунларда Соҳибқирон номи билан аталувчи хиёбонда байрамга ҳозирлик қўриломоқда. Бу сиймо мард, танти, ҳалол ва ғайратли халқимизни бирлаштиришда, иймон-оқибатли бўлишда куч-қувват бағишлагани каби хиёбон атрофида яшнаб турган дарахт ва гуллар юртимиз тинчлиги, кўнглилар хотиржамлигидан далолатдир.

Сайёра ШОЕВА, ЎЗА МУХБИРИ

ЁШЛАРИМИЗ ТАРБИЯСИГА БАРЧАМИЗ МАСЪУЛМИЗ

Шаҳримиздаги ёшлар, айниқса вояга етмаганлар ўртасида назоратсизлик ва ҳуқуқбузарликлар ҳамда жиноятчиликнинг олдини олиш бўйича профилактик тадбирлар мунтазам амалга ошириб келинмоқда.

Бу борада Тошкент шаҳар ҳокимининг жорий йилнинг 5 февралдаги «Тошкент шаҳрида ёшлар ўртасида жиноятчилик ва ҳуқуқбузарликларнинг олдини олишга қаратилган кўшимча чора-тадбирлар тўғрисида»ги ҳамда 2015 йилнинг 18 февралдаги «Тошкент шаҳрида интернет тармоқлари ва компьютер орқали хизмат кўрсатувчи ҳужалик субъектларининг фаолиятини мувофиқлаштириш чора-тадбирлари тўғрисида»ги қарорлари муҳим дастуруламал бўлмоқда.

Миллий маънавиятимизга зид бўлган, жангариллик, шафқатсизлик ва ҳаёсизликни тарғиб этувчи лавҳалар вояга етмаган ёшлар онгига салбий таъсир кўрсатишини унутмаган ҳолда бу муаммага барчамиз бирдек масъулият билан ёндашишимиз муҳимлигини давр кўрсатиб турибди. Мазкур қарорларнинг мазмун-моҳиятини тумандаги касб-хунар коллежлари, академик лицейлар ва мактаб раҳбарлари таъминоти мақсадида ҳудудлар кесимида мактаб ўқувчилари ва уларнинг ота-оналари, фарзандлари иштирокида кенгайтирилган йиғилишлар ўтказилмоқда. Шайхонтоҳур тумани ҳокими, туман прокурори ва ИИБ бошлиғи иштирокида ўтказилаётган бундай тадбирларда тушунтириш ишларини олиб бориш билан бирга қарорларнинг мазмун-моҳиятини очиб берувчи, вояга етмаганларнинг ҳуқуқбузарликлари ва жиноятлари ҳақидаги видеофильмлар намойиш этиляпти. Бундан ташқари маҳаллалар ва таълим муассасаларида «Оталар» йиғилишлари ўтказилмоқда. Ҳамкорликда олиб борилаётган саъй-ҳаракатлар натижасида тумандаги таълим муассасалари, маҳаллаларда ибодий ўзғаришлар содир бўлмоқда. Жумладан, бу вояга етмаганлар ўртасидаги ҳуқуқбузарлик ва жиноятчиликнинг олдини олишга туртки бўлди, ота-оналар фарзандларини янада кўпроқ назоратга олишмоқда, дарс қолдирмаसликлари, уларнинг таълим муассасасига ўз вақтида келишлари таъминланмоқда, маҳалла ва таълим муассасалари ва жамоат кенгашларининг ҳамкорликдаги ишлари янада жонланганди.

Бу тушунтириш ишларидан андоза олган ҳолда бизнинг 254-умумий ўрта таълим мактабида ҳам ўқувчилар ва уларнинг оталари иштирокидаги йиғилишларда Тошкент шаҳар ҳокимининг 2015 йил 5 ва 18 февралдаги қарорларининг мазмун-моҳияти бўйича тарғибот-ташвиқот ишлари олиб боришмоқда. Энг муҳими, ўсиб келаётган ёш авлодни асраб-авайлаш орқали келажакимизнинг нурили бўлишига замин яратишимизни унутмаслигимиз лозимлигини яна бир қарра таъкидлаб ўтмоқчиман. Бахтиниса ПЎЛТАОВА, 254-умумий ўрта таълим мактаби директори

2015 йил – Кексаларни эъзозлаш йили

Юртимизда миллий қадрият ва анъаналаримизни улғувчи, ёшу қарини бирлаштирувчи умумхалқ байрами ҳисобланмиш Наврўз айёми кенг нишонлаб келинмоқда.



Юнусобод туманидаги «Янгиариқ» маҳалласи аҳолиси ҳам Наврўз айёмини кўтаринки кайфият ва ҳамжиҳатликда нишонлашди. Умумхалқ байрами ҳамда Кексаларни эъзозлаш йили

ДИЛЛАРГА ШОДЛИК УЛАШИЛДИ

муносабати билан маънавий-маърифий тадбир ташкил этилиб, байрам дастурхони ёзилди. Маҳалла фаоллари шундай дорилмомон кунларга етказганига, мустақил юртимизга кўз тегмасин дея қўлларини дуога очилди. — Хар бир тадбир маҳалламиз фаоллари билан маслаҳатлашган ҳолда, уларнинг беғараз кўмаги остида амалга оширилди, — дейди «Янгиариқ» маҳалласи фуқаролар йиғини раиси Собиржон Султонов. — Маҳалламиз файзли ва аҳил

маҳаллалардан бири бўлиб, ҳудудимизда 3 та мактабгача таълим муассасаси, битта мактаб, «Спорт анжомлари» тикув цехи ва машиий хизмат кўрсатиш шохобчалари аҳоли турмуши фаровонлигига ўз ҳиссасини қўшиб келмоқда. Тадбир сўнггида 70 нафарга яқин ногирон, кекса ва кам таъминланган оилаларга совға-саломлар тарқатилди. Хайрли тадбир ёшу қарининг дилларига шодлик улашди. Кичикларга иззатда, катталарга ҳурматда бўлиш муҳимлиги яна бир бор таъкидлаб ўтилди.

Зафар НАЗАРОВ

АСР ИЛЛАТИГА ҚАРШИ ҲУШЁР БЎЛАЙЛИК

Бугунги кунда жаҳон ҳамжамиятини жиддий ташвишга солаётган одам савдоси халқаро ҳавф саналади. Трансмилий жиноятлар сирасига кирувчи одам савдоси хавфлилик даражасига кўра, уюшган жиноятчилик, наркотиклар ва ноқонуний қурол-яроғ савдосидан кейинги ўринни эгаллайди.

Халқаро экспертларнинг ҳисоб-китобларига қараганда, одам савдосидан олинган фойда қарийб ўн миллиард доллар атрофида экан. Бирлашган Миллатлар Ташкилати маълумотида кўра, дунёда ҳар йили тахминан икки миллион етти юз минг инсон одам савдосининг жабранувчисига айланмоқда. 600-800 минг нафар аёл ва болалар алдов йўли билан чет элларга олиб кетилиб, сотиб юборилмоқда. Бундай жиноятлар, афсуски, республикамизда ҳам мавжуд бўлиб, фуқаролар турли алдов ва фирибгарликлар қурбонига айланиб қолишяпти. Кузатишлар ва хулосалар шунки кўрсатмоқдаки, одам савдосидан азият чекаётган жабранувчилар орасида аёллар ва вояга етмаган ёшларнинг борлиги бизни янада ташвишга солади. Сўнгги йилларда одам савдоси жинояти туфайли юзага келаятган глобал хавф қанчалик ортиб бораётган бўлса, дунёнинг қатор мамлакатларида бу иллатга қарши курашишга ҳам катта эътибор қаратилмоқда. Мамлакатимизда ҳам одам савдосининг олдини олиш ва унга қарши курашиш борасида муайян ишлар амалга оширилди. Аввало, одам савдоси жиноятларида барҳам бериш учун етарли ҳуқуқий-норматив база шакллантирилди. Хусусан, 2008 йилнинг 17 апрелида «Одам савдосига қарши курашиш тўғрисида»ги Ўзбекистон Республикаси Қонунининг қабул қилиниши билан мамлакатимизда бу глобал муаммага қарши курашиш ҳамда ундан жабранланганларни ҳимоялашнинг ҳуқуқий асослари яратилди. Президентимиз томонидан 2008 йилнинг 8 июлида қабул қилинган «Одам савдосига қарши курашиш самарадорлигини ошириш чора-тадбирлари тўғрисида»ги Қарори билан эса юқоридаги қонун нормалари амалга тулиқ татбиқ этилди. Хар бир инсон яхши орзу-умидлар билан яшайди. Ҳалол меҳнат қилиб оилани боқиб, шу йўл билан жамиятимиз тараққиётига муносиб ҳисса қўшишга интилади. Аммо оранизда меҳнат қилишдан қочиб, турли ноқонуний йўллар билан пул топиш, мол-дунё орттиришга ружу қўйган кимсалар ҳам йўқ эмас. Улар ўз мақсадларига эришиш учун ҳар қандай қабиҳ ва разил йўлдан қайтмайдилар. Ҳаммани ташвишга солаётган жирканч иш билан шуғулланаётган бундай кимсаларни асло оқлаб бўлмайди. Чунинчи, Гулноза Оди-

лова ва Шаҳноза Солиевалар (исм-фамилиялар ўзгартирилган) ўзаро жиноий режа тузишган. Гап шундаки, бу икки қилими қора кимсалар Соҳиба Назаровага Россия Федерациясининг Москва шаҳрида юқори маошли беномус ишни таклиф қилишган. Улар бу ҳам етмагандек, Чинлозур тумани, Оқтепа кўчасида яшовчи Наргиза Қосимовани ҳам ана шундай жирканч ишга жалб қилмоқчи бўлдилар. Наргизани эса Москвада «Маржона» исмли аёл кутиб олиши керак эди. Фирибгарларнинг алдовига учган Наргиза тушкун кайфиятда аэропортга борди. Божхона кўригидан ўтаётганда ундан сафар сабабларини сўрашди. Наргиза нима дейишини билмай, дудуқланди. Бу ҳолатдан шубҳаланган ҳуқуқни муҳофаза қилувчи орган ходимлари Наргиза билан сўхбатлашди. Маълум бўлдики, Наргиза билиб-билмай ўзини чоғга ташламоқчи бўлиб, Москвага отланаётган экан. Дастлабки суриштирув ва тергов жараёнида Гулноза Одилова ва Шаҳноза Солиеваларнинг жирканч ишга қўл урганлиги аниқланди. Қолаверса, Шаҳноза Солиева хоржга чиқиб ва келиш тартибини ҳам бузган. Суд судланувчиларга жазо тури ва миқдорини тайинлашда уларнинг аёл киши эканлигини, қилимидан чин кўнглидан пуншаймонлигини, оилавий шароитини, муқаддам судланмаганлигини ва бошқа жиҳатларни эътиборга олди...

Одам савдоси билан шуғулланувчи фирибгар ва тўдаларни ўргинчак тўрига қиёслаш мумкин. Ўргинчак тўрига тушган ҳар қандай ҳашарот унинг ўлжасига айланади. Одам савдоси билан шуғулланувчи кимсаларнинг тўрига иланиб қолиш ҳам ана шундай аянчли оқибатлар билан тугайди. Шундай экан, одам савдосига қарши оғоҳ ва ҳушёр бўлиш ҳар биримизнинг бурчимиздир. Замондошларимизни ҳушёрликка, оғоҳликка даъват этсак, уларни одам савдоси билан шуғулланувчи фирибгарларнинг тузоғига тушиб қолишдан асраган бўламыз. Бу бугунги куннинг долзарб вазифаларидан биридир. Шерзод ЮЛДАШЕВ, Жиноят ишлари бўйича Тошкент шаҳар Судьяси Сегрели тумани суди судьяси

Тиббиёт

ОЗИҚ-ОВҚАТ ХАВФСИЗЛИГИНИ ТАЪМИНЛАШ — САЛОМАТЛИК ГАРОВИ

Мамлакатимизда амалга оширилаётган ислохотлар жараёнида озиқ-овқат хавфсизлигини таъминлаш, тўғри овқатланиш маданиятини тарғиб қилишга қаратилган эътибор халқимиз аҳолисининг турмуш тарзини юқори даражага кўтаришда, соғлигини яхшилаш ва мустаҳкамлашда муҳим аҳим бўлмоқда.

Шаҳар Саломатлик ва тиббий статистика институтида ўтказилган анжуман ҳам озиқ-овқат хавфсизлиги мавзусига бағишланди. Тадбирда Ўзбекистон Республикаси Соғлиқни сақлаш вазирининг ўринбосари Саидмурод Сайдалиев, БМТ Тараққиёт дастурининг юртимиздаги доимий вакили Стефан Приснер, Жаҳон соғлиқни сақлаш ташкилотининг Ўзбекистондаги ваколатхонаси раҳбари Асмус Хаммерих ва бошқарма мамлакатимизда озиқ-овқат маҳсулотлари хавфсизлигини таъминлашнинг самарали тизими шакллантирилганлиги ва бу соҳада амалга оширилаётган ишлар борасида сўз юритишди. Таъкидланганидек, Ўзбекистонда озиқ-овқат маҳсулотларининг сифати ва хавфсизлигини назорат қилиш, сифатли озиқ-овқатларни ишлаб чиқаришга катта эътибор қаратилмоқда. Бугунги кунда юртимизда аҳоли жон бошига 30 килограмм сабзавот, 75 килограмм картошка ва 44 килограмм узум маҳсулотлари истеъмолчи тўғри келади. Бу истеъмол меъёридан ун баробар кўп. Она табиат инъом этган ушбу неъматлардан самарали фойдаланиш, рационал овқатланиш маданиятини юксалтириш, тўғри овқатланишни ташкил этиш муҳим аҳимият касб этмоқда.

Озиқ-овқат маҳсулотлари сифати ва хавфсизлигини назорат қилишда Соғлиқни сақлаш вазирлиги изчил ишларни амалга оширмоқда. Жумладан, анжуманда вазирликнинг мутасадди маҳкамлари Ўзбекистон Республикаси Давлат санитария-эпидемиология хизматининг озиқ-овқат маҳсулотлари хавфсизлигини таъминлаш борасида олиб бораётган ишлари хусусида ҳам йиғилганларга етарлича маълумот бердилар.

Озиқ-овқат хавфсизлигини таъминлашда давлат ҳокимияти органлари, нодавлат нотижорат ташкилотлар ўртасида йўлга қўйилган самарали ҳамкорлик инсонлар соғлигини муҳофаза қилишда муҳим омили бўлиб хизмат қилмоқда. Бинобарин, нафақат соғлиқни сақлаш, балки кишлоқ хўжалиги секторлари, транспорт корхоналари ва умумий овқатланиш соҳасининг яқин ҳамкорлигида барча озиқ-овқат маҳсулотлари сифатининг хавфсизлигини таъминлашга бирдек эътибор қаратилмоқда. Анжуман доирасида шаҳар Саломатлик ва тиббий статистика институти томонидан озиқ-овқат ярмаркаси ҳам ташкил этилди. — Бундай ярмаркани уюштиришдан мақсад, — дейди Яшнобод туманидаги 28-оилавий поликлиниканиннг етакчи ҳамшираси Дилрабо Усмонова, — аҳолига озиқ-овқатлар хавфсизлиги юзасида мамлакатимизда ва бутун жаҳонда олиб борилаётган чора-тадбирларини етказиб, фуқаролар саломатлик кўрсаткичини яхшилаш, тўғри овқатланиш маданиятини ошириш, нотўғри овқатланишдан юзага келадиган касалликларнинг олдини олишдан иборат. Биз поликлиникамиз мисолида кексалар учун маълум бўлган, тўйимли, тез ҳазм бўладиган, улғувод ва оқсилларга бой маҳсулотлар кўрсатмасини ташкил этилди. Тадбир сўнггида Тошкент шаҳар Саломатлик ва тиббий статистика институти томонидан энг яхши кўрсаткич ташкил қилган туманларга есдалик совғалари ва дипломлар топширилди.

Гулчехра ДҮРДИЕВА

РЕКЛАМА ВА ЭЪЛОНЛАР

ҲАМШАҲАРЛАРИМИЗ ДИҚҚАТИГА!

«Биринчи автокорхона» акциядорлик жамияти «Д» тоифали ҳайдовчиларни шаҳар йўловчи транспортда фаолият кўрсатиш учун ишга таклиф этади. Иш ҳақи 1 миллион 500 минг сўм ва ундан юқори. Шунингдек, хоҳловчилар корхона ҳисобидан «Д» тоифали ҳайдовчиларни тайёрловчи курсларга юборилади ва улар кейинчалик ишга олинади. Телефон: 280-30-14; факс: 280-30-21. Манзил: Тошкент шаҳри, Яшнобод тумани, Уйсозлар кўчаси, 3-уй.

Тошкент шаҳар Адлия бошқармаси томонидан 1996 йил 24 июлда реестр рақами 62-сон билан давлат рўйхатига олинган Тошкент шаҳри, Мирзо Улуғбек тумани, 18-мактаб қошидаги «Оила мактабга маддадор» ҳайри жағмармаси Фуқаролик ишлари бўйича Тошкент шаҳар судининг 2014 йил 10 декабрдаги Ҳал қилив қарорига кўра тугатилганлиги муносабати билан бошқарма томонидан Жағмармага берилган 62-сонли ғувоҳнома, устам ҳамда унга тегишли бўлган муҳр ва штамплар БЕКОР ҚИЛИНАДИ

Сиз Тошкентни биласизми?

ГОЛИБ ВА СОВРИНДОРЛАР ТАҚДИРЛАНДИ

Биз мамнуният билан «Тошкент оқшоми» ва «Вечерний Ташкент» газеталарида викторинанинг навбатдаги босқичи ўнта саволини эълон қилган эдик. Ҳар бир саволга ўзбек ва рус тилларида битилган муттасил жавоблар келиб турди. Айрим мухлисларимиз бир нечта ёки барча саволларга битта қилиб жавоб йўллашди.

Тахририятга келиб тушган материаллар орасида саволларга кенг, атрафли жавоб берганлари ҳам, қисқа, лўнда қилиб фикр билдирганлари ҳам мавжуд.

Энг муҳими, жавоб ёзганлар — аҳолининг турли қатламлари вакилларида иборат. Улар орасида зиёлилар, талаба ва ўқувчи ёшлар, кекса отахон ва онахонлар, ўй бекалари, турли касб эгалари бор. Иштирокчиларнинг турли миллатга мансуб кишилар эканлиги ҳам бизни хурсанд қилди.

Викторинанинг мазкур босқичида жами 119та жавоб келди ва унда 75 нафар газетхон иштирок этди.

Ушбу босқичдаги саволларнинг мазмун-моҳиятида асим шахримиз тарихи ва бугунги билан боғлиқ жиҳатлар, хусусан, мустақиллик йилларида бу ерда амалга оширилган оламшумул ишлар ҳақида маълумотлар сўралган эди. Шуни алоҳида қайд этиш керакки, газетхонларимизнинг бу саволларга катта қизиқиш ва ватанпарварлик руҳи билан

ёндашгани намоён бўлди. Баъзи муаллифлар саволларга энциклопедик манбалар ва интернет орқали жуда кўп маълумотлар топиб юборишга ҳаракат қилишган.

Викторина амалда ҳамшаҳарларимиз ва меҳмонлар кўнглида Ватанга меҳр-муҳаббат ҳиссини кучайтиришга хизмат қилаётгани эътиборга лойиқдир.

Шундай қилиб, «Сиз Тошкентни биласизми?» викторинанинг голиб ва совриндорлари аниқланди. Улар йўллаган жавобларининг тўғрилиги, ҳамма саволларга ўз вақтида жавоб юборгани жиҳатидан голибликка лойиқ топилди: биринчи ўрин «Макс-голд-косметикс» фирмаси мутахассиси Маҳмуд Исмоиловга насиб этган бўлса, Сергели туманилик меҳнат фахрийси Бахтиёр Раҳимов, Тошкент махсус саноат касб-хунара коллежи ўқитувчиси Сергей Крилов, Низомий номидаги Тошкент давлат педагогика университети талабаси Гулрух Эгамбердиевалар совриндорлар сафидан жой олишди.



Шунингдек, Ақида Саидова, Феруза Хусанова, Мафтуна Музаффарова, Сарвар Анваров, Миробод туманидаги 83-мактаб жамоаси, Гулчехра Каримова, Рома Коркуров, Наталья Шахназарова, Амриддин Иромонов, Зарнигор Иброҳимова, Ҳасан Саломов, Самариддин Хусанов, Шахноза Худоёрова, Юлдуз Табурова, Дилдора Боқиевалар саволларнинг яримдан кўлига ўз вақтида ва тўғри жавоб йўллаганини алоҳида қайд этиш лозим.

Куни кеча «Тошкент оқшоми» ва «Вечерний Ташкент» газеталари тахририятда викторинанинг навбатдаги босқичи голиб ва совриндорларини тақдирлаш маросими ўткази-

либ, улар сафидан ўрин олган энг зукко ва билимдон ҳамшаҳарларимизга дипломлар ҳамда қимматбаҳо совғалар топширилди.

Азиз ҳамшаҳарлар, викторинамиз давом этади ва Сизларни унда фаол иштирок этишга чорлаб қоламиз. Саволларга аниқ, лўнда ва тўғри жавоб йўллаб голиблар сафидан бўлинг. Шуни алоҳида эслатиб ўтмоқчи эдикки, саволларга жавоб йўллаганингизда албатта, исм-фамилянингиз, мулоқот учун телефон рақамингиз ва уй манзилингизни ёзишни унутманг. Шоира МУҲАМЕДОВА Ислон Исмоилов олган сурат

Фестиваллар

ҚАДРИЯТЛАРИМИЗ ТАРАННУМ ЭТИЛДИ

Айни кунларда шахримиз туманларида «Қадрият, урф-одат, анъана ва ёшлар» фестивали юқори савияда уюшқоқлик билан ўтказилмоқда.

«Камолот» ёшлар ижтимоий ҳаракати Яшнобод туман Кенгаши томонидан ушбу фестивал доирасида «Тошкент — меҳмондўст шаҳар» мавзусида уюштирилган тадбир ҳам қизиқarli тарзда ўтди.

Унда тумандаги мавжуд касб-хунара коллежлари ва академик лицейларда фаолият олиб бораётган «Камолот» ЕИҲ бошланғич таълим ташкилоти Етақчилар Кенгаши аъзолари, туман маҳаллаларида истиқомат этаётган мингдан ортиқ воёга етмаган ёшлар иштирок этди.

«Қадрият, урф-одат, анъана ва ёшлар» фестивали лойиҳаси доирасидаги тадбирлар ўзининг кенг қамровлиги, ёшларбоғлиги билан алоҳида ажралиб туради, — дейди туман «Камалак» болалар таълим ташкилоти раиси Феруза Шомидинова. — Мазкур лойиҳа доирасидаги «Урф-одат ва ёшлар», «Миллий халқ ўйинлари», «Варрақлар сайли», «Асфалтга расм чизиб» каби тадбирлар ўқувчи-ёшларни янада бирлаштириб, фаол бўлишга чорлайди. Энг асосийси, уларни миллий анъана ва қадриятларимизни қадрлашга, Ватанини севишга даъват этади.

«Тошкент — меҳмондўст шаҳар» мавзусида ўтказилган тадбир йилгиланларга бир олам завқ-шавақ бағишлади. Иштирокчилар мамлакатимиз барча вилоятларининг урф-одатларини тўлиқ намоён этиб беришга ҳаракат қилдилар.

Тадбир давомида фаол иштирок этиб, юқори ўринларга сазовор бўлган таълим муассасалари жамоалари «Камолот» ёшлар ижтимоий ҳаракати Яшнобод туман кенгаши томонидан эсдалик совғалари ва диплом билан тақдирланди.

БАЛЛИ, ЁШЛАР

Юнусобод туманидаги Тошкент туризм касб-хунара коллежидан ўтказилган «Қадрият, урф-одат, анъана ва ёшлар» лойиҳаси доирасидаги танлов «Балли, ёшлар» деб номланди.

Таништирув, миллий урф-одатларни тарғиб қилувчи сахна кўринишлари, халқ оғзаки ижодидан намуналар каби шартлардан иборат бўлган танловда тумандаги академик лицей, касб-хунара коллежларининг иқтидорли ўқувчилари ўзаро беллашди.

Улар шартларни бажаришда миллийликни тараннум этишга, кўркам миллий либослар галереясини яратишга, халқ оғзаки ижоди намуналаридан унумли фойдаланишга ва сахна кўринишларининг пухта чиқишига аҳамият беришди.

Танлов қатнашчиларининг ҳар бир чиқиши ҳақамалар ҳайрати томонидан баҳолаб борилди. Энг иқтидорли, зукко, билимли деб топилган ёшларга совғалар топширилди.

Ҳа, ёшлар истиқболли келажакимизнинг нурафшон эртаси ҳисобланади. «Қадрият, урф-одат, анъана ва ёшлар» шiori остида ўтказилаётган тадбирлар эса уларни ҳамжихатликка, ҳамкорликка чорлайди. Шу билан бирга муқаддас заминимизга чамбарчас боғланган қадриятларимизни, урф-одатларимизни улуғлашга ва янада тарғиб қилишга ундайди.

Гулнигор САТТОРОВА

Пойтахтимизда спортнинг яккакураш тури — жун ри до бўйича «Соғлом авлод учун» халқаро хайрия фонди кубоги мусобақалари бўлиб ўтди.

Спорт янгилликлари

МАҲОРАТ ВА ШИЖОАТ КЎРИГИ

«Соғлом авлод учун» халқаро хайрия фонди ташаббуси билан Тошкент шаҳар маданият ва спорт ишлари бош бошқармаси ва Болалар спортини ривожлантириш жамғармаси ҳамкорлигида ўтказилган мазкур мусобақада 6 ёшдан 18 ёшгача бўлган 100 нафардан ортиқ спортчи ўзаро беллашди.

Мусобақанинг очилишида «Соғлом авлод учун» халқаро хайрия фонди бошқаруви раиси С.Иномова ва бошқалар Президентимиз Ислон Каримов раҳнамолигида соғлом ва баркамол авлодни шакллантиришнинг муҳим омилли сифатида болалар спортини ривожлантириш, ёш авлоднинг жисмоний тарбия ва спорт билан мунтазам шуғулланиши учун зарур имко-иятларни яратиш, ёш иқтидор эгаларини қўллаб-қувватлашга доимий эътибор қаратилётганини таъкидлади.

«Соғлом авлод учун» халқаро хайрия фонди томонидан ҳам бу борада қатор ишлар амалга оширилмоқда. Жумладан, стол тенниси бўйича анъанавий турнир, спортнинг синхрон сузиш, сузиш, бадий ва спорт гимнастикаси, спорт рақси турларини мужасамлаштирган «Нафосат олами» спорт фестивали каби тадбирлар ёшлар ўртасида спортни янада оммалаштириш, уларнинг саломатлигини мустаҳкамлашга хизмат қилмоқда.

Мусобақада Асилбек Аҳадов, Мирсаамир Мирёкубов, Дониёр Шодиёров, Абдумалик Исанов, Даврон Жўрабов, Жайрона Авазхонова, Асал Азаматова, Наргиза Жапарова, Дилшоода Чориева шoҳсупанинг энг юқори погонасидан жой эгаллади.

Голиб ва совриндорлар ташкилотчилар томонидан диплом ва эсдалик совғалари билан тақдирланди.

Ж. ТОШҲҲАЕВ, ЎЗА мухбири Мухаммад Амин олган сурат



МАЙДОНДА — ПАУЭРЛИФТИНГ УСТАЛАРИ

Бу гал ушбу залда пауэрлифтинг бўйича Ўзбекистон очик чемпионати ташкил этилди ва унда энг кучли спортчилар билан бир қаторда имконияти чекланган инсонлар — паралимпиячилар ҳам иштирок этишди. Энг муҳими, турнирда қизлар ҳам фаол қатнашди. Ушбу мусобақани ўтказишдан мақсад ҳам оғир атлетика каби мураккаб техник тайёргарликдан ўтишни талаб этмайдиган ушбу қизиқarli спорт турига қўллаб ёшлар, айниқса қизларни жалб этиш, жисмоний имкониятлари чекланган инсонларга спорт билан фаол шуғулланиш учун имкон яратишдир.

Ўзбекистон Республикаси Маданият ва спорт ишлари вазир-

Тошкент Давлат жисмоний тарбия институтининг оғир атлетика залида оғир атлетика ва пауэрлифтинг бўйича турли-туман мусобақалар тез-тез ўтказиб турилади.

лиги, Миллий Олимпия кўмитаси, Ўзбекистон Миллий паралимпия уюшмаси, Республика пауэрлифтинг федерацияси томонидан ташкил этилган Ўзбекистон очик чемпионатида ўсмирлар, ёшлар катталар ҳамда имконияти чекланган кишилар 53 килограммдан 74 килограммгача бўлган вазн тоифаларида ўзаро куч синашдилар. Ўсмирлар ва катталар учқураш, паралимпиячилар эса битта йўналиш бўйича баҳс юритдилар.

Шундай қилиб, турли вазн тоифаларида ўсмирлар ва эркаклар ўртасида Нуриддин Давлатов, Наврўз Абдурасулов, Юнус Хожихўжаев, Музаффар Ахмадалиев, Ҳамид Ражабов, Фулом Ёқубов, Ахрор Бозоров, Исқандар Турсунбоев, Яшин Шобердиев, қизлар беллашувлари якуни бўйича Роза Кўзиева, Қудратой Тошпўлатова, Мохира Холмуминовалар галаба қозониб, олтин медаллар билан тақдирланди.

Дилмурод ИСМОИЛОВ

«101»

МУАММОЛАР БАРТАРАФ ЭТИЛМОҚДА

Ёнғинлар нафақат қишда, балки барча фаслда содир бўлиши мумкин. Кузги-қишги мавсумда ҳазонрезги, газ ва электр ускуналаридан нотўғри фойдаланиш оқибатида келиб чиқса, баҳор ва ёзда қуриган ўтлар, чиқиндилар кўплаб муаммоларни келтириб чиқаради.

Мамлакатимиз иссиқ ўлкалардан бири ҳисобланади. Шу сабабдан баҳорда ўсиб, кўзни қувнатган майсалар тез ёнувчан қуриган ўтга айланади. Уларни ўз вақтида ўриб ташланмаса, катта ташвишлар олиб келиши мумкин. Қуриган ўтларга биргина ўнмай қолган сигарета қолдиги кифой.

Яшнобод тумани ҳудудида жорий йилнинг ўтган 2 ойи мобайнида 15 та ёнғин содир бўлиб, улар натижасида 2 нафар фуқаро турли даражадаги қуйиш тан жароҳатини олган. Ёнғинларнинг салбий оқибатларини фуқаролар онгига сингдириш мақсадида туманда жойлашган 55 та маҳалларда, жумладан «Авиасозлар», «Илтифот», Усмон Носир номи, «Наврўз», «Моҳинур», «Мустақиллик», «Мустақилликнинг 10 йиллиги» маҳаллаларида бир қатор йиғилишлар ўтказилиб, маҳалла ҳудудида жойлашган хонадонларни текшириб, аниқланган камчиликлар юзасидан хонадон эгаларига ёнғин хавфсизлиги қоидаларига доимий равишда риоя қилиши ҳақида тушунтириш ишлари олиб борилди.

Яшнобод туманида жойлашган 12 қаватли аҳоли турар жой бинолари текширилганда уларда ички ёнғин ўчириш сув жўмрақлари носоз, турар жой бинолари ёнғин ўчириш анжомлари билан таъминланмагани аниқланди. Ушбу ҳолат бўйича ширкат раҳбарлари ва маҳалла оқсоқолига тақдимномалар киритилди. Хонадон эгалари билан суҳбат ва йўриқномалар ўтказилди, ёнғин хавфсизлиги қоидаларини тарғиб этувчи эслатмалар тарқатилди.

Бундай текширишлар барча ўқув ва тиббиёт масканларида ҳам ўтказилмоқда. Туманимизнинг барча гўшасида жойлашган мактаб ва мактабгача таълим муассасаларида ўтказилган текширишлар натижасида аниқланган камчиликлар жойида бартараф этилмоқда. Ўқувчилар билан бўлган учрашувларда ёнғин ўчириш техникасидан фойдаланиш усуллари намойиш этилмоқда.

Ёнғин — бу йўқотишдир. Ҳар бир инсон ҳаёти давомида яхшилик улашиш каби эзгу мақсадлар билан яшайди. Қундалик турмушимизда ўт-оловнинг аянчли асоратлари асло бўлмаслигини тилаб қолар эдик. Ҳаёт бир мартаба берилар экан, ушбу қисқа вақтни тинч ва сермазмун ўтказишимиз лозим, умримиз мобайнида бир-биримизга фақат меҳр-оқибатли, ғамхўр бўлайлик.

Улугбек УСМОНОВ, Яшнобод тумани ИИБ ЁХБ инспектори

РЕКЛАМА ВА ЭЪЛОНЛАР

«Respublika milk markazi» АЖ бошланғич баҳоси босқичма-босқич ошиб бориш тартибидан ўтказилаётган очик аукцион савдосига таклиф этади!

Савдога Ўзбекистон Республикаси Адлия вазирлиги ҳузуридagi Юристар малакасини ошириш марказининг 03.04.2015 йилдаги 28-05-87/11-сонли бюрутма хатига асосан, Тошкент шаҳри, Миробод тумани, Ўзбекистон шoҳ қўчаси, 15-уй манзилида сақланаётган қуйидаги автотранспорт воситалари қўйилмоқда:

- 1. «Нексия Донс» русумли, давлат рақами 01/356NDA бўлган, 2003 йил ишлаб чиқарилган автотранспорт воситаси. Бошланғич баҳоси — 24 061 442,7 сўм.
2. «Нексия Сонс» русумли, давлат рақами 01/357NDA бўлган, 2004 йил ишлаб чиқарилган автотранспорт воситаси. Бошланғич баҳоси — 25 592 157,3 сўм.

Аукцион савдоси 2015 йил 11 май куни соат 11:00 дан бошлаб ўтказилади. Аризалар расмий иш кунлари соат 10:00 дан 15:00 гача қабул қилинади (13:00 дан 14:00 гача тушлик). Аризаларни қабул қилишнинг охири мuddати: 2015 йил 8 май куни соат 18:00.

Савдо голиби деб топилган шахсга 10 кун ичида сотувчи билан олди-сотди шартномаси тузиш мажбурияти юклатилади. Савдода иштирок этиш учун ариза, закалат пули тўланганлиги ҳақидаги тўлов ҳужжати нусхаси, вакиллар учун ишончнома тақдим этилади.

Талабгорлар савдо ташкилотчиси билан тузиладиган закалат келишувига асосан мулк бошланғич баҳосининг 10 фоизидан кам бўлмаган миқдорда закалат пулини «РММ» АЖнинг АИТБ «Ипак йўли банки» Сябон филиалидаги қуйидаги ҳисоб-рақамига тўлашлари шарт: х/р: 20120000300571452114, МФО: 01036, ИИН: 2009338850. Аризаларни қабул қилиш ва савдо ўтказиш манзили: Тошкент шаҳри, Олмазор туман, 1-Қорақамши қўчаси, 1-уй. Тел.: 228-79-52. Гувхоннома №001580.

ЎЗГИДРОМЕТ
ХАБАР ҚИЛАДИ
илиқ, кундузи — 24-26 даража иссиқ бўлади.
Ўзгидрометнинг мониторинг хизмати маълумотига қўра,

Тошкент шаҳрида 10 ва 11 апрель эрталаб 10 апрель кунини ҳаво ўзгаришлари, ёнғингарчилик бўлмайдми. Шарқдан секундада 3-8 метр тезликда шoҳамол эсади. Ҳарорат кe-яат яратадми, ифосланиши ҳаси — 10-12 даража даражаси паст бўлади.